



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

« 20 » հուլիս 2023թ.

ՈՐՈՇՈՒՄ թիվ 3281-1-Ա ՎԱՐՉԱԿԱՆ ԱԿՏՈՒՄ ՓՈՓՈԽՈՒԹՅՈՒՆ ԿԱՏԱՐԵԼՈՒ ՎԵՐԱԲԵՐՅԱԼ

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, վերանայելով ֆիզիկական անձ Մկրտիչ Աշոտի Վարդանյանի վերաբերյալ վարչական վարույթի նյութերը,

Պ Ա Ր Զ Ե Ց Ի

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 10935/2022/ԿՈՒՎ4/Ա արձանագրության (արձանագրությունը կցվում է)՝ ֆիզիկական անձ Մկրտիչ Աշոտի Վարդանյանի (Հասցե՝ Երևան, Լվովյան 14/1 շենք., 38 բն., ՀՎՀՀ՝ 26626634, ՀԾՀ՝ 3008831168) չկատարված հարկային պարտավորությունը 16.08.2022թ-ի դրությամբ կազմում է 7.957.813 դրամ, այդ թվում հարկ՝ 7.599.134 դրամ, տույժ՝ 358.679 դրամ:

ՀՀ ՊԵԿ իրավաբանական վարչության պետի կողմից 30.12.2022 թվականին կայացվել է թիվ 3281-Ա որոշումը, որտեղ նշվել է, որ վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, չկատարված հարկային պարտավորությունները գանձելու վերաբերյալ՝ վարչական ակտ ընդունելու նպատակով 07.12.2022թ. հարուցված վարչական վարույթի մասին հարկ վճարողը պատշաճ կերպով ծանուցվել է, սակայն չի ներկայացրել վարույթի նյութերին ծանոթանալու համար և որևէ բացատրություն չի տվել: Սակայն վարույթում առկա նյութերից պարզ է դարձել, որ 15.12.2022 թվականին հարկ վճարողը ներկայացրել է իրավաբանական վարչություն, ծանոթացել վարչական վարույթի հիմք հանդիսացող փաստաթղթերին, ստացել տեղեկատվություն հարկային պարտավորության հաշվարկման վերաբերյալ, բանավոր ներկայացրել բացատրություն առ այն, որ տեղյակ չի եղել իր կողմից իրականացրած նվիրատվության գործարքի Օրենսգրքով հարկման ենթակա լինելու մասին: Մկրտիչ Աշոտի Վարդանյանի կողմից ներկայացրած բանավոր բացատրությունն ընդունելի չի համարվել վարչական մարմնի կողմից:

Հաշվի առնելով վերոնշյալը և ղեկավարվելով «Նորմատիվ իրավական ակտերի մասին» ՀՀ օրենքի 33-րդ հոդվածով և «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածի 3-րդ մասով՝

ՈՐՈՇԵՑԻ

ՀՀ ՊԵԿ իրավաբանական վարչության պետի 30.12.2022 թվականի թիվ 3281-Ա չկատարված հարկային պարտավորությունները գանձելու մասին որոշման մեջ կատարել հետևյալ փոփոխությունը.

Որոշման «Պարզեցի» մասի 2-րդ պարբերությունը շարադրել հետևյալ խմբագրությամբ. «Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, չկատարված հարկային պարտավորությունները գանձելու վերաբերյալ՝ վարչական ակտ ընդունելու նպատակով 07.12.2022թ. հարուցված վարչական վարույթի մասին հարկ վճարողը պատշաճ կերպով ծանուցվել է, 15.12.2022 թվականին ներկայացրել է իրավաբանական վարչություն, ծանոթացել վարչական վարույթի հիմք հանդիսացող փաստաթղթերին, ստացել տեղեկատվություն հարկային պարտավորության հաշվարկման մասին, բանավոր ներկայացրել բացատրություն առ այն, որ տեղյակ չի եղել իր կողմից իրականացրած նվիրատվության գործարքի Օրենսգրքով հարկման ենթակա լինելու մասին: Մկրտիչ Աշոտի Վարդանյանի կողմից ներկայացրած բանավոր բացատրությունն ընդունելի չի համարվել վարչական մարմնի կողմից:»:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն հարկ վճարողի /կամ ֆիզ. Անձի/ պաշտ անձի անուն ազգանուն

ամսաթիվ

Կատարող՝ Հայաստանի Հանրապետության պետական եկամուտների
կոմիտեի իրավաբանական վարչության հարկադիր գանձման և
պարտավորությունների կատարման ապահովման բաժնի
առաջատար մասնագետ Սեդա Ասատրյան, հեռ. 010-30-91-91 (91-27):